

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

Art. II. An intellectus Christi humanus, increatâ Dei intellectione potuerit
intelligere?

[urn:nbn:de:hbz:466:1-77342](#)

neri redemptoris congruebat perpetua virginitas, cum qua actualis generatio non compatitur, ideo in Christo debuit esse intellectio creata, non vero actualis generatio.

ARTICVLVS II.

An intellectus Christi humanus, increata Dei intellectione potuerit intelligere?

10. **P**Artem affirmativam, præter Authores articulo præcedenti citatos, tenet Aegidius à Præsentatione lib. 4. de beatitudine quæst. 1. art. 2. §. 5. ubi negat quidem intellectum Christi humanum, de facto per increatam Dei cognitionem in tellexisse, assertit tamen id posse contingere de potentia absoluta, & non posse ostendi, sententiam Hugonis Victorini, afferentis intellectum Christi humanum de facto per intellectiōnem divinam & increatam intellexisse, implicare contradictionem. Oppositum docent alij Theologi, tam domestici, quam extranei, cum D. Thoma h̄c art. 1. ad 1. ubi ait quod divina operatio increata non potuit esse anima humana Christi, cum sit alterius natura. Idem docet quæst. 20. de verit. art. 1. in corp. & in resp. ad 9. in 3. dist. 14. quæst. 1. art. 1. ad 1. & pluribus aliis in locis. Unde fit

§. I.

Conclusio negativa statuitur.

Dico igitur: Intellectus Christi humanus non potuit, etiam de potentia absoluta, per increatam Dei intellectiōnem intelligere.

11. Hanc conclusionem probat Vazquez 1. 2. disp. 7. cap. 2. ex verbis sextæ Synodi actione 17. in confess. fidei, quibus Synodus allegato S. Leone, ait duas esse statuendas in Christo pro duplice natura operationes. Tum subdit: *Neque enim in quoquam unam dabimus naturalem operationem Dei & creature, ut neque quod creatum est, in divinam educamus essentiam, neque quod eximium est divina natura, ad competentem creaturis locum dejiciamus.*

Hic tamen locus non probat impossibile esse intellectum creatum intelligere per actionem increatum, quod tamen probandum esset, sed tantum probat, impossibile esse operationem Dei esse creature naturalem, quod ex terminis patet esse impossibile, quamvis absurdissime à Monothelitis, quos ibi damnat Synodus, admitteretur.

12. Apud videtur adduci possi Agatho Papa Epist. ad Augustos, que habetur actione 4. ejusdem Synodi, verbis illis que subjicit post adductum locum D. Augustini ex lib. 5. contra Julianum: *Non potest Angelica natura Divinam habere voluntatem aut humanam, neque humanam naturam voluntatem Dei vel Angeli.* Ergo nec Dei cognitionem aut scientiam potest in se humana natura habere, cum eadem sit ratio de cognitione ac de volitione. Nec dici potest, ibi sermonem esse de lege ordinaria, non de potentia absoluta; nam ibi agitur de Christo, cuius Incarnatio miraculosa fuit, & divina omnipotentia opus perfectissimum, & maximè extraordinarium.

13. Potest insuper probari conclusio ratione fundamentali, que sic potest breviter proponi. Intelligere essentia literiter est vivere gradu perfectissimo vite: Sed implicat intellectum creatum vivere per intellectiōnem divinam & creatam: Ergo

A & per illam intelligere. Major patet, Minor vero ostenditur primo. Implicat naturam divinam sub conceptu vita radicalis uniri naturæ creatæ, illam radicaliter viventem constitudo, ut communiter docent Theologi; & patet, quia alias essentia divina posset uniri per modum formæ physice, & in esse entitativō, & informare corpus, quod maximam imperfectionem importat: Ergo etiam implicat, quod sub conceptu vita actualis unitatur naturæ creatæ, illamque actu viventem constitutat. Patet consequens, tum à paritate rationis, tum eriam quia actus vitalis aliquis naturæ, cùm ab illa suam specificationem defimat, communicari nequit, non communicatā natura. B Quā ratione usus est S. Thomas locis suprā citatis, eamque desumpsit ex Ambrofio lib. 2. ad Gratianum cap. 10. afferente, ubi est diversa substantia, non posse unam operationem intelligi.

Confirmatur: Implicat voluntatem creatam liberè velle per volitionem liberam Dei sibi intrinsecū unitam: Ergo & intellectum humanum per increatam Dei intellectiōnem intelligere. Consequentia videtur manifesta, ex paritate rationis: Antecedens vero sic ostenditur. Volitio libera debet esse in potestate & dominio voluntatis: Sed volitio divina nequit potestati aut domino creatæ voluntatis subesse: Ergo implicat voluntatem creatam liberè velle per volitionem Dei liberam.

§. II.

Solvuntur objectiones.

Principia Adversariorum argumenta sumuntur ex tribus exemplis, in communi Theologorum doctrina, vel saltem in Schola D. Thomæ, communiter receptis. Constat enim, Deum communicari natura humana per modum subsistentiæ, & secundum communem Thomistarum sententiam, suprā expositam, etiam communicatur in ratione existentiæ. Similiter juxta communem Theologorum sententiam, communicatur essentia divina in ratione speciei impressæ intellectu beatorum, & secundum probabilem Thomistarum opinionem, etiam communicatur in ratione verbi & speciei expressæ. Ex quibus tribus exemplis, tria possunt erui argumenta contra nostram conclusionem.

Primum est: Quia subsistentia Verbi eminenter continet perfectionem subsistentiæ creatæ, uniti potuit humanitati Christi, illamque subsistentem reddere: Sed intellectio divina continet eminenter intellectiōnem creatam: Ergo potest uniti cum intellectu creato, illumque intelligentem constitutere.

Secondum sic procedit: De facto essentia divina unitur intellectui animæ Christi, sub ratione & munere speciei intelligibilis: Ergo de facto unitur, vel saltem potest uniri, per modum intellectiōnis. Consequentia videtur legitima, tum quia in probabiliori & communiori Thomistarum sententia, ratio intellectiōnis, & ratio speciei, cùm ad eandem lineam intellectivam pertineant, non distinguntur in Deo virtualiter. Tum etiam, quia non videtur major repugnantia, quod essentia divina per modum actus secundi intellectui nostro unitur, quam quod illi ad modum actus primi ad actualiē intellectiōnem determinantis communiceret.

Tertium argumentum sic potest proponi. De facto unitur divina essentia mentibus beatorum, ut verbum: Ergo unitur, vel saltem potest uniri

intellectui animæ Christi, sub conceptu intellectus. Conscientia manifesta videtur, tum quia juxta plurim Philosophorum sententiam, verbum ab intellectione non distinguitur. Tum etiam, quia dato quod ab illa distinguitur, est tamen de ratione verbi, quod sit vitale per modum termini, ut docet D. Thomas quæst. 4. de verit. art. 2, ubi ait, de ratione verbi esse quod sit expressum & productum ab intellectu seu intelligenti, ex quo infert Verbum in divinis non essentialiter, sed tantum notionaliter dici: Ergo si non obstante istâ vitalitate, possit divina effentia per modum verbi cum intellectu creato uniri, poterit etiam, non obstante vitalitate actus intelligenti, uniri per modum intellectus intellectus intelligentem constitutam.

19. Hæc sunt præcipua Adversariorum fundamenta, quæ ex principiis paragrapho præcedenti statutis facilè possunt convelli. Ad primum enim respondeo causalem majoris adæquatam non esse, sed insuper esse addendum, quia in unione per modum subsistentia, nulla importatur imperfectionis physice informationis, dependentiarum, vel identitatis cum natura cui unitur, sed præcisè ratio terminationis: in unione autem sub conceptu & munere intellectus cum intellectu creato, involvitur imperfectio physice informationis, & realis egressionis, aut physicae identitatis, ut §. præcedenti declaravimus, & ideo quamvis intellectio divina eminenter contineat perfectionem intellectus creati, non potest uniri cum intellectu creato, nec ipsum intelligentem constitutre. Unde Cajetanus h[ab]it. 1. Quia personalitas divina potest fieri personalitas humanae nature, sine eo quod sit actus ejus; intelligere autem non potest fieri actus intelligenti anima humana, nisi sit actus ejus: ideo non repugnat communicari personalitas, & repugnat communicari intellectio. Dicitur autem intellectio fieri actus animæ, quia illam informat, & ab ea procedit: unde idem est ac si diceretur, intellectus divinam animam humanæ non posse communicari, quia nec illam informare, nec ab ea procedere potest.

20. Dices, Exi subsistentia creati dimanet à natura quam terminat, potest subsistentia divina naturam creatam terminare, absque eo quod ab illa dimanet: Ergo pariter, quamvis intellectio creati ab intelligenti per ipsam procedat & egrediatur, poterit intellectio divina naturam creatam intelligentem constitutre, absque eo quod egrediatur vel procedat ab illa.

21. Respondeo, concessio Antecedente, negando consequentiam & paritatem: Ratio vero discrimini est, quia licet subsistentia creati resulteret vel dimanet à natura quam terminat, hoc tamen non haberet ex formalis conceptu & munere subsistentia, sed ex ratione limitationis creature, & ideo potest subsistentia divina illius effectum suppleret, & naturam creatam reddere subsistentem, absque egressione ab illa: quod vero actio intelligenti ab intelligenti egrediatur formaliter aut virtuali egressu, convenit illi ex communi & formalis operationis conceptu; unde nequit intellectio divina naturam creatam intelligentem constituere, nisi vel cum illa identificetur cum egressu virtuali, vel ab illa realiter egrediatur, quorū utrumque maximum imperfectionem importat.

22. Ad secundum respondeo, concessio Antecedente, negando Consequentiam, ad cuius primam

A probationem dicendum quod licet ratio speciei & intellectus in Deo non distinguantur virtualiter adæquate, differunt tamen distinctione essentiali, & virtuali inadæquate, penesque ordinem ad diversa connata materialia; quæ distinctione sufficit, ut natura divina uniatur sub ratione speciei, absque eo quod sub ratione intellectus communicetur; sicut eadem distinctione sufficit ut gratia sanctificans participet divinam essentiam, sub munere & conceptu naturæ, seu radicis attributorum, non vero subtractione intellectus, aut speciei intelligibilis; & ut subsistentia Verbi, sub ratione formæ hypostaticæ, non autem sub ratione relationis, humanitati Christi communicetur.


B Ad aliam probationem, nego Antecedens, unio enim per modum actus primi in ordine intelligibili, est tantum unio compunctionativa & effectiva notitia, neque postulat ut quod speciei impressæ locum tener, efficiatur ab intellectu cui unitur, eumve informet: nam juxta probabilissimam sententiam, gustatilia & tactilia, absque ulla informatione potentie tangentis aut gustantis, per meram applicationem & assentientiam uniuntur ei ad modum speciei impressæ, qua presentibus objectis ipsis supervacanea foret. At unionem actus secundi quo formaliter reddamus intelligentes, necesse omnino est formalem esse, & cum inheritance in potentia intelligenti; à qua etiam necesse est ut actus ille secundus procedat, & efficienter dependeat: si enim hæc abessent, potentia non posset dici intelligere per hujusmodi actum; quia intelligere, cum sit vita actualis, & perfectio intus se sui ipsius à seipso, utramque illam habitudinem dependentia effectiva & inheritance includit, quas in divinum actum cadere impossibile est.

C Ad tertium, concesso Antecedente, nego Consequentiam; ad cuius primam probationem, nego Antecedens, ut enim docent nostri Thomistæ in libris de anima, & variis in locis assertit S. Thomas, verbum non est ipsa intellectio, sed terminus intrinsecus per eam productus & expressus, in quo tanquam in imagine & similiudine expressa, & actualissime representante, ipse intellectus contemplatur objectum.

Ad secundam distinguo Majorem: De ratione verbi propriæ & adæquate sumpti est quod sit vitale per modum termini, concedo Majorem. De ratione verbi sumpti inadæquate & communiter, nego Majorem, & sub eadem distinctione Minoris, nego Consequentiam.

E Explicatur solutio: Cum in verbo duo importentur, nempe ratio representationis actualissima objecti, & insuper ratio expressi realiterque producti à dicente: potest verbum duobus modis usurpari, adæquate scilicet & propriæ, quatenus nimis utramque rationem importat; & inadæquate ac impræcipiæ, & prout dicit solùm actualissimam objecti representationem. Primo modo sumptum est vitale per modum termini, ideoque in divinis solùm notionaliter dicitur, nec prout sic essentia divina sub ratione verbi mentibus beatorum unitur, cum repugnet illam realiter exprimi seu produci ab intellectu beatorum: sumptum vero secundo modo, non dicit vitalitatem & expressionem, sed solùm actualissimam objecti representationem; unde sub hac ratione dicitur in divinis essentialiter, quia essentia divina est actualissima representatione sui, ut docet D. Thomas quæst. 4. de verit. art. 2. his verbis: §.

verbum propriè accipiatur, in divinis non dicitur nisi personaliter, si autem accipiatur communiter, poterit etiam dici essentialiter. Similiter essentia divina in beatifica visione gerit vices verbi hoc secundo modo sumpti, cum actualissimè seipsum beatorum mentibus representet. Intellectio autem, quomodocumque accipiatur, vitalitatem dicit, subindeque habitudinem dependentiae efficit a principio intelligenti, & egestum seu emanationem ab illo, que divino actui respectu intellectus creati proorsus repugnat: unde licet essentia divina unitatur mentibus beatorum ut verbum, nequit tamen intellectui anima Christi sub ratione intellectionis uniri.



DISPUTATIO XVI.

*De scientia beata anima Christi.**Ad quæst. 10. D. Thomæ.*

Consideratæ scientiæ Christi in communi, ad species ejus descendimus, & primò de scientia beata, utpote nobiliori & perfectiori, differimus: non agimus autem de scientia beata Christi, in quantum est Deus, de hac enim 1. parte Tractatu 3. fuse disputavimus, sed de scientia beata anima Christi; & de hac solum investigamus qua proprie pertinet ad Christum, ut ab aliis beatis distinguitur; qua enim omnibus beatis communia sunt, ut objectum visionis beata, lumen gloriae, species intelligibilis &c. in Tractatu de visione beata fuse explicata sunt.

ARTICULUS PRIMUS.

An Christus, dum esset viator & in terris degens, scientiam beatam habuerit, illamque à primo conceptionis instanti receperit?

S. I.

Viraque difficultas duplice conclusione resolvitur.

Dico primò, Christum adhuc viatorem, & in terris degentem, vidisse divinam essentiam, subindeque habuisse scientiam beatam.

Hanc conclusionem probat Cano lib. 12. de locis cap. 14. variis Scripturæ testimoniis, qua fuse & eleganter expendi, sed locus magis idoneus sumitur ex cap. 3. Joannis, ubi sic habetur: *Nemo ascendit in cœlum, nisi qui descendit de cœlo, Filius hominis qui est in cœlo.* Quibus verbis Christus adhuc viator & in terris degens afferit se esse in cœlo: Sed esse in cœlo, vel in paradiſo, idem est quod Deum videre, ubincunque videatur, ut S. Augustinus notavit Epist. 57. prolatu exemplo latronis, qui cùm in Lymbo futurus esset quoad animam, tamen quia ibi visurus erat Deum, dicitur futurus in paradiſo: Ergo Christus adhuc viator & in terris degens, videbat divinam essentiam, & scientiæ beatæ potiebatur.

Notandum vero est cum Cajetano, super hunc locum Joannis, scopum Christi tunc fuisse persuadere Nicodemo credendum sibi esse, utpote testi oculato, & qui ita in terris degebat, ut simul in cœlo esset, Deum videns, quod nulli anterio-

A ri veritatis testi, nulli unquam Propheta obtigerat. Unde ibidem dicebat, *Quod scimus loquimur, & quod vidimus testamur. Qui de cœlo venit, super omnes est, & quod vidit & audivit hoc testatur. Ubi Christi testimonium idcirco alii testimoniis præfertur, quia non ex auditu tantum, ut alij, sed ex visu testimonium praebuit, unde Joan. 1. dicitur: Deum nemo vidit unquam, unigenitus qui est in sine Patri, ipse enarravit nobis. Sed Christus in hac vita mortali degens, divinitatis suæ, & paternæ gloriae, sapientia testimonium perhibuit: Ergo tunc divinam essentiam vidit, & scientiæ beatæ, seu visione beatificæ potitus est. Quod etiam testatur mysterium transfigurationis, quod fuit signum gloriae Christi latentis in anima, quam tunc in corpus resilire permisit, ut communiter docent SS. Patres.*

Potest etiam suaderi conclusio triplici ratione: Prima quam insinuat D. Thomas hic quæst. 9. art. 2. potest sic proponi. Decens est ut instrumentum excellens, & per modum capitii influens, præhabeat in se formaliter perfectiones quas alius communicat: Sed Christus ut homo causat in nobis beatitudinem supernaturalem, consistentem in visione clara Dei, per modum capitii & instrumenti excellentiæ: Ergo oportuit ut in se scientiam beatam haberet.

Secunda, qua desumitur ex eodem S. Doctore suprà quæst. 7. art. 1. sic procedit. Quoniam aliquod receptivum est proximi causa influenti, tantò magis, & cum majori perfectione, illius influxum participat: Sed influxus gratiae est à Deo, cui maximè humanitas Christi per unionem hypostaticam conjungitur, cùm ad idem esse personale cum ipso trahatur: Ergo perfectissime gratiam participat: Sed gratia perfectissima est gratia consummata per gloriam: Ergo anima Christi habuit gratiam gloriae consummatam, id est cum beatifica visione conjunctam.

Tertia ratio sumitur ex Durando in 3. dist. 14. quæst. 1. num. 5. ubi sic discurrit: Decens fuit ut natura assumpta ad supremum esse, ad supremam operationem sibi possibilem elevaretur: Sed natura humana Christi, per unionem hypostaticam ad esse supremum, scilicet ad esse Verbi, assumpta est: Ergo decuit quod elevaretur ad supremum operari tali natura possibile: Sed beatitudo in clara Dei visione consistens, est operatio suprema humanitati possibilis: Ergo debuit humanitati Christi assumptæ ad supremum esse concedi.

Dico secundò: Christus scientiam beatam, seu visionem beatificam, à primo instanti conceptionis habuit. Ita D. Thomas infra quæst. 34. art. 4. ubi docet Christum in primo sua conceptionis instanti fuisse beatum & comprehensorem, idque probat in argumento *sed contra ex illo Psalm. 64. Beatus quem elegisti & assumpisti, quod secundum gloriam referunt ad humanam Christi naturam, qua assumpta est à Verbo Dei in unitatem persona: Sed in primo instanti conceptionis fuit assumpta humana natura à Verbo Dei in unitatem naturæ: Ergo in primo instanti sua conceptionis Christus, secundum quod homo, fuit beatus, quod est esse comprehendens.*

Eandem veritatem suadere nititur Cano supra statutis, hoc discursu: Christus à primo instanti conceptionis plenus fuit gratiae & veritatis, ut patet ex illo Joan. 1. *Verbum caro factum est, & habitavit in nobis. Vidi mus gloriam ejus quasi unigeniti à Patre, plenum gratiae & veritatis. Ubi* ly